

ԱՐԽԻՎԱԾԻՆ ԴՅՈՒԹՅՈՒՆ

ՆՅՈՒԹԵՐ ՄԻՍԱԿ ՄԱՆՈՒՇՅԱՆԻ ՄԱՍԻՆ

Գերմանացիների կողմից օկուպացված Փարիզում, իր մարտական 23 ընկերների հետ զեւտապոյի ֆաշիստական զնդաններում անտանելի խոշտանգումների ենթարկվելուց հետո 1944 թ. փետրվարի 21-ին զնդակահարվեց ֆրանսաւայ աշխատավորության հակաֆաշիստական պայքարի կազմակերպիչներից մեկը՝ Ինտերնացիոնալ պարտիզանական ջոկատների հրամանաւար Միսակ Մանուշյանը:

Միսակ Մանուշյանը (ընդհատակյա անունը Միշել Ժորժ) ծնվել է 1910 թ. Թյուրքիայի Ադիյաման քաղաքում, չքավոր այգեգործի ընտանիքում: 1914—1918 թ. թ. իմպերիալիստական պատերազմի տարիներին անդի ունեցած հայկական կոտորածների ժամանակ զոհվում են նրա ծնողները: Պատահականորեն աղատվելով կոտորածից, Մանուշյանը իր մեծ եղբոր հետ գաղթում է Սիրիա, ուր ընդունվում է Ճյունիե քաղաքի Հայկական Բարեգործական Ընկերության որրանոցը:

Մանուշյանը սկզբնական կրթությունն ստանում է որրանոցում, ուր աչքի է ընկնում ուշիմությամբ և աշխատասիրությամբ: Որրանոցում նա հանդես է բերում արտակարգ ընդունակություններ: Հայաստանում սովետական իշխանություն հասաւտվելու առաջին իսկ օրից Սովետական Հայաստան մեկնելու ցանկությունը դառնում է Մանուշյանի և արտասահմանում ապրող բաղմահաղար հայ որբերի փայփայած իղձը: Բայց հակառակ նրանց ցանկություններին, 1925 թվականին Սիրիայի հայ որբերին հատուկ պայմանազրությամբ տանում են Ֆրանսիա՝ իբրև էժան բանվորական ուժ աշխատեցնելու կապիտալիստական գործարաններում:

Ֆրանսիայում Մանուշյանն աշխատանքի է անցնում Փարիզի Սիտրոնեւ ավտոմոբիլային գործարանում իբրև տոկար: Այստեղ Մանուշյանը մոտիկից չփվելով բանվորական լայն մասսաների հետ, ծանոթանում է նրանց կյանքին, նրանց միջավայրին, նրանց հետ միասին մասնակցում է դործադուլներին և քաղաքական ցույցերին: Այս հանգամանքը Մանուշյանի աշխարհայացքի կազմակերպման և հասարակական-քաղաքական գործունեության վրա մեծ ազդեցություն է ունենում: Գործարանում աշխատելուն զուգընթաց նա Փարիզում համառությամբ զբաղվում է իր կրթական մակարդակի բարձրացման վրա: Հաճախում է Փարիզի ամենախոշոր գրադարանները, ուսումնասիրում է գրականություն և հասարակական գիտություններ: Այս շրջանում է, որ նա գրում է մի շարք արժեքավոր, զոդարիկ բանաստեղծություններ և օչերկներ:

1928 թվին վրա է հասնում կապիտալիստական արդյունաբերական ճգնաժամը: Մանուշյանը տասնյակ-հազարավոր բանվորների հեւ միասին փողոց է շարտվում և մնում է գործազուրկ: Ջնայած այդ ծանր պայմաններին, նա չի կարվում իր ինքնակրթության աշխատանքներից: Նա,

գրականությունը զբաղվելուն զուգընթաց, ամբողջ կրթությունը չի ստացել և մարքսիզմ-լենինիզմի ուսմունքի ուսումնասիրմանը, 1934 թվականին Մանուշյանն ընդունվում է Ֆրանսիական կոմպարտիայի շարքերը:

Ֆրանսահայ կոմունիստների պարտիական կենտրոնի հանձնարարությամբ, 1935 թվականից սկսած՝ Մանուշյանը չորս տարի շարունակ խմբագրում է Փարիզում հայերեն լեզվով լույս տեսնող բանվորական «Զանգու» շաբաթաթերթը, որի էջերից նա հավառորեն սլայքար է մղում ֆաշիզմի և հայ ժողովրդի թշնամի դաշնակների դեմ, պաշտպանում է Սովետական Միությունը, Սովետական Հայաստանը թշնամիների կեղտոտ հարձակումներից:

1938 թվականին Մանուշյանի և նրա ընկերների նախաձեռնությամբ Ֆրանսիայում հիմնադրվում է «Ֆրանսահայ ժողովրդական միություն» առաջադիմական մասսայական մի կազմակերպություն, որի մասնաճյուղերը տարածվում են ամբողջ Ֆրանսիայում: Այդ շրջանում Մանուշյանը կարողում է զեկուցումներ, վառվռուն ելույթներ է ունենում հայաբնակ վայրերում, կազմակերպում է հայ աշխատավորությունը, դառնում է նրանց ամենասիրելի և հանրաժանոթ գործիչը, կոմպարտիայի ղեկավար աշխատողներից մեկը:

1939 թվականի սեպտեմբերին, երբ ֆաշիստական Գերմանիան հարձակում գործեց Ֆրանսիայի վրա, Մանուշյանը, որպես կոմունիստ, մեկնեց ճակատ գերմանական ֆաշիստների դեմ կռվելու համար: Սակայն պատերազմը երկար չի տևում, ներքին դավաճանության միջոցով Ֆրանսիան պարտվում և կապիտուլացվում է: 1940 թ. դինադադարից հետո Մանուշյանը գորացրվելով, ռազմաճակատից վերադառնում է գերմանացիների կողմից արդեն օկուպացված Փարիզ և կոմպարտիայի առաջադրանքով անմիջապես անցնում է ընդհատակյա աշխատանքի: 1941 թ. հունիսին Մանուշյանը ձերբակալվում և ուղարկվում է գեստապոյի կոմպեքսի համակենտրոնացման ճամբարը, որտեղից նա «Յուժանիտեի» խմբագիր Ժորժ Կոնիոյի ակտիվ ջանքերով հանդուգն և համարձակ փախուստ է կատարում և վերադառնում ընդհատակյա պարտիական աշխատանքների:

Մանուշյանը և իր ընկերներն իրենց ամբողջ ուժն ու եռանդը նվիրում են Ֆրանսիայի ներքին ընդդիմադիր ուժերի կազմակերպման գործին և իրենց շուրջն են համախմբում հայկական առաջադիմական կազմակերպությունները, բոլոր հայրենասերներին, հիմնում են «Հայ ազգային ճակատ»: Ընդհատակում նրանք լույս են ընծայում «Ժողովուրդ», «Ազատություն» և այլ հայերեն թերթեր, որոնց էջերում մերկացնում են ֆրանսիական դավաճան, ծախված կառավարությանը և դաշնակ թափթուկների ստոր դավաճանական արարքները, կոչ են անում ժողովրդին՝ սարսափի ենթարկել ֆաշիստական իշխանությունների աշխատանքները և պայքարի ելնել օկուպանտների դեմ:

1942 թ. վերջերից ֆրանսիական կոմպարտիայի ղեկավարությամբ գինված պայքար է սկսվում ֆաշիզմի դեմ: Փարիզում և Ֆրանսիայի տարբեր մասերում ստեղծվում են ազատ հրաձիգ պարտիզանների կազմակերպություններ: Այս շարժումն ունեն իր ազգային կենտրոնը և ռազմական հրամանատարությունը: Հայ կոմունիստները և հայ աշխատավորները ամենաջերմ կերպով արձագանքում են այդ շարժմանը: Մանուշյանը իր ակ-

տիվ նախաձեռնություններ հայ հայրենասերներից կազմակերպում է պարտիզանական ջոկատ, որը իր մի շարք հաջող մարտական գործողություններով վարակիչ օրինակ է դառնում Փարիզում և նրա շրջակայքում գործող պարտիզանական ջոկատների համար։ Ֆրանսիական ազատ հրաձիգ պարտիզանների ազգային կոմիտեն Մանուկյանին առաջ է քաշում և նշանակում Փարիզում և նրա շրջակայքում գործող պարտիզանների ինտերնացիոնալ ջոկատների հրամանատար, որոնց շարքերում ընդգրկված էին լեհեր, իտալացիներ, իսպանացիներ, ֆրանսիացիներ, հայեր և այլն։ Մանուկյանի պարտիզանական իուլմբը բաժանված էր չորս ջոկատի, որոնք կրում էին «Ստալինգրադ», «Լիկտոր Հյուգո», «Ազատություն» և «Զապաև» անունները։ Այս ջոկատները, Մանուկյանի հաջող պլաններով և խնամքով ձեռք բերված հետախուզության տվյալներով, կարճ ժամանակամիջոցում կատարում են մոտ 60 դիվերսիոն և տեռորիստական ակտեր։ 1943 թվականի ամառը Մանուկյանը կազմակերպում է հայտնի ֆաշիստական դահիճ Ռիտտերի, ինչպես նաև զենքերալ ֆոն Շոենբուրգի սպանությունը։

Նրա ջոկատները տասնյակ անգամներ հարձակումներ են կատարում և ավերում զորանոցները, ոււմբեր են նետում զորքի համախմբումների, ավտոշարասյան և ռազմական օբեկտների վրա, սպանում են հարյուրավոր ֆաշիստական օկուպանտներ, օֆիցերներ և զինվորներ։ Տասնյակ անգամներ հօդս են ցնդեցնում զինվորական էջեղները՝ բարձված զորքով, տանկերով, թնդանոթներով և սպառազինությամբ։ Մանուկյանի պարտիզանները կատարի կերպով կոչում էին նաև ներքին դավաճանների դեմ և ոչնչացնում նրանց։ Մանուկյանի և իր պարտիզանների համբավը տարածվել էր ամբողջ Ֆրանսիայում։

1943 թ. նոյեմբերի 16-ին Մանուկյանը սովորական ձևով զնում էր ժամադրավայրը՝ իր պարտիզաններին հանդիպելու և հերթական առաջադրանք տալու, բայց ստոր մատնությամբ զետապոյի կողմից տեղնուտեղը ձերբակալվում է։ Նույն օրը ձերբակալվում են նաև նրա մի շարք ընկերները։

Ֆաշիստները Մանուկյանին և իր ընկերներին երեք ամիս շարունակ սոսկալի տանջանքների ենթարկելով՝ պահում են Փարիզի Ֆրենի բանտում։ Նրանց ենթարկում են դաժան ծեծի և խոշտանգումների, որի հետևանքով ջարդվում է Մանուկյանի ալտոսկրը և աչքը կուրանալու աստիճանի ֆուսվում է, սակայն նա մնում է անհողողող և աննկուն։ Ֆրանսիական հայրենասերները ոգևորվում են նրա արիությամբ։ Ֆրանսիական Ալժիրի կառավարությունը Մանուկյանին, նրա մատուցած ծառայությունների համար, արժանացնում է պատվո լեգեոնի ասպետի կոչման։

1944 թ. փետրվարի 16-ից մինչև 20-ը Փարիզում ֆաշիստական զինվորական տրիբունալը իր չորս երկար նիստերում քննում է Մանուկյանի և նրա ընկերների գործը։ Դատարանում Մանուկյանը իր դահիճների երեսին, առանց վախենալու, բացեիբաց հայտարարում է, որ ինքը, լինելով ազատության բանակի զինվոր և պարտիզանների ղեկավար, նպատակ է ունեցել ոչնչացնել զերմանական ֆաշիստ օկուպանտներին։

1944 թ. փետրվարի 20-ին Փարիզի ֆաշիստական զինվորական տրիբունալը Մանուկյանին և նրա 23 մարտական ընկերներին դատապարտում է զնդակահարության։ Մեկ օր հետո, փետրվարի 21-ին Փարիզի Մոն Վալերիանում դատավճիռն ի կատար է ածվում։

* * *

Ստորև հրաաարակում ենք Մ. Մանուշյանի մասին մի շարք արխիվային նյութեր: Առաջին փաստաթուղթը Մանուշյանի ղեկավարությամբ գործող պարտիզանական ջոկատներից մեկի մարտական գործունեության օրագրի մեզ հասած մի մասն է: Երկրորդը՝ բանտից Մանուշյանի գրած նամակն է իր կնոջը: Երրորդ և չորրորդ փաստաթղթերը Մանուշյանի պարտիզանական գործունեությունը բնութագրող այն վկայագրերն են, որոնք տրված են ֆրանսիական կազմակերպությունների կողմից:

Նշված բոլոր փաստաթղթերի օրիգինալները ֆրանսերեն են և պահվում են ՀՍՍՌ Գիտությունների Ակադեմիայի Պատմության ինստիտուտի Հայրենական պատերազմի պատմության կաբինետի արխիվում:

Ե. ԽԱԼԵՑԱՆ

№ 1

ԳՈՐԾՈՂՈՒԹՅՈՒՆՆԵՐ, ՈՐՈՆՑ ՄԱՍՆԱԿՑԵԼ Է ԿԱՊԻՏԱՆ ՄԱՆՈՒՇՅԱՆԸ

Հունիս 1943 թ.

1 հունիսի, ժամը 22 անց 30.—Երեք հոգուց բաղկացած մի խումբ (արձանագրվածներ՝ 10318, 10018 և 10315¹), զինված ատրճանակներով և նռնակներով, ժորես մետրո կայարանի մոտերքը երկու անգամ երկու նռնակներով հարձակվեց 60—70 հոգուց բաղկացած մի ջոկատի վրա, որը գնում էր դեպի զորանոցը: Նռնակները պայթեցին ջոկատի կենտրոնում: Հակառակ բռուն հրաձգությանը և հետապնդումներին, խումբը հեռացավ առանց ֆնասի:

3 հունիսի, ժամը 19-ին.—Երեք հոգուց բաղկացած մի խումբ (արձանագրվածներ՝ 10305, 10313 և 10311), զինված ատրճանակներով և նռնակներով, հարձակվեց Միրաբո փողոցով անցնող գերմանական նավաստիներով լցված մարդատար մի ավտոմեքենայի վրա. բազմաթիվ սպանվածներ և վիրավորներ մնացին տեղում:

Ձեռքի գնդացիով զինված մի նավաստի խփվեց մեր պաշտպանության կողմից:

Մի այլ մարդատար ավտոմեքենայից իջած գերմանացիների կրակից վիրավորվեց և վախճանվեց մեր ընկերներից մեկը և ընկավ թըշնամու ձեռքը:

Նա քաջությամբ և անձնազոհությամբ կատարեց պարտիզանի իր պարտքը:

19 հունիսի, ժամը 7 անց 30.—Երեք հոգուց բաղկացած մի խումբ (արձանագրվածներ՝ 10018, 10318 և 10308), զինված ատրճանակներով և նռնակներով, հարձակվեց Վանվ եկեղեցու (Պտի մենած մետրոյի) մոտ գերմանական նավաստիների ապրանքատար մի ավտոմեքենայի վրա: Նռնակը պայթեց ավտոմեքենայի մեջ: Ամբողջ խումբը հեռացավ առանց կորուստի:

22 հունիսի, ժամը 13-ին.—Չորս ընկերներից բաղկացած մի խումբ (արձանագրվածներ՝ 10016, 10315, 10318 և 10010), զինված ատրճանակներով ու

¹ Կապիտալային կանոնների համաձայն՝ պարտիզանները իրենց անունների փոխարեն արձանագրվում էին պայմանական թվերով: Ա. Խ.

նոնակներով, Գուվյոն Սեն-Սիր բուլվարում նոնակով հարձակվեց գերմանացի ոստիկաններով բեռնավորված ապրանքատար մի ավտոմեքենայի վրա։ Այս գործողության մեջ հատկապես աչքի ընկավ խմբի ինքնապաշտպանությունը քաջությամբ, ձեռներեցությամբ և արդյունավետությամբ։

Օրինակ՝ 10016 արձանագրված ընկերը նոնակը մեկ անգամ նետելով՝ վաղելով սկսեց ետ քաշվել մի փոքրիկ փողոցով դեպի պաշտպանության առաջին գիծը։ Նույն միջոցին երկու հրդեհաշեջներ, որոնք նոր էին կանգ առել իրենց հեծանիմներով մայթի եզրին, նկատելով այդ, հեծանիմները նստելով՝ սկսեցին հարևան փողոցով հետապնդել մեր ընկերոջը, նպատակ ունենալով կտրելու նրա նահանջի ճանապարհը։ 10313 արձանագրված ընկերը հասկանալով այս շարժումը, ետևի կողմից ընկերոջ նահանջը պաշտպանելու փոխարեն, ուժգնորեն իրեն գցեց առաջ, նոնակ նետողից առաջ անցավ և ատրճաճակը ձեռքին դուրս եկավ հեծանվորդների դեմ։ Հեծանվորդներն այս սպառնալիքին հանդիպելով ետ քաշվեցին։ Մի ուրիշ անցորդ, որ նույնպես փորձեց խանգարել նահանջը, նույն սպառնալիքին հանդիպեց։ Մեր բոլոր ընկերները վերադարձան անփնաս, իրենց զենքերով։

- 26 հուլիսի, կեսօրին.—Երեք հոգուց բաղկացած մի խումբ (արձանագրված՝ 10318, 10308, 10307), կեսօրին, ատրճաճակները ձեռքներին ներս թափանցեցին մի դավաճանի բնակարան՝ նրան սպանելու։ Որոշվող անձնավորությունը տանը չգտնվելու պատճառով գործողությունը տեղի չունեցավ։ Որովհետև թաղում ահազանգ էր տրված, ընկերները ինքնապաշտպանության դիմեցին, կրակեցին իրենց հետապնդող ոստիկանների վրա։ Մի ոստիկան ե մի քաղաքացի, որոնք փորձեցին խանգարել նահանջը, տեղն ու տեղը սպանվեցին մեր ընկերների գնդակից։

Երրորդ ջոկատ

- 7 հուլիսի, ժամը 10-ին.—Երեք հոգուց բաղկացած մի խումբ (արձանագրվածներ՝ 10251, 10279, 10233), զինված ատրճաճակներով և նոնակներով, սպանեցին Մասբերո (16) փողոցի № 4 բնակարանում ապրող գերմանացի մի գեներալի այն յոմենտին, երբ նա պատրաստվում էր նստել իր ավտոմեքենան։ ավտոմոբիլի շոֆերը ատրճաճակից կրակելով նետվեց հետապնդելու մեր ընկերներին, բայց սա չխանգարեց մեր խմբին ետ քաշվելու կանոնավոր և առանց կորուստի։
- 10 հուլիսի, ժամը 9-ին.—Երեք մարդ (արձանագրվածներ՝ 10243, 10233 և 10232), զինված նոնակներով և ատրճաճակներով, մեկ նոնակով հարձակվեցին Բադիյո փողոցի իտալական ֆաշիստական պարտիայի կենտրոնական շենքի վրա, ուր նույն օրը պեաք է տեղի ունենար իտալիայի՝ պատերազմի մեջ մտնելու տարեդարձի հանդեսը։ Նոնակը պայթեց շենքի ներսում։ Ամբողջ խումբը վերադարձավ առանց փնասի։
- 15 հուլիսի, ժամը 10 ամց 30.—Երեք մարդուց բաղկացած մի խումբ (արձանագրվածներ՝ 10216, 10280 և 10287), ատրճաճակներով և նոնակներով զինված, հարձակվեց Արժանթեոյում գերմանական մի ջոկատի վրա։ Հակառակ առջևից և ետևից կատարվող պահակային հսկողությունը, նոնակը նետվեց ջոկատի կուտակման մեջտեղը։

Բնակչության մեջ տարածված լուրերի համաձայն՝ ջոկատի համարյա կեսը ֆնասվել է: Նահանջը կատարվեց հեծանիվներով, արագ կերպով, և առանց դժբախտ դեպքի:

- 16 հունիսի, ժամը 23-ին. — Երեք ընկերներից բաղկացած մի խումբ (արձանագրվածներ՝ 10279, 10247 և 10287), ղինված ատրճառակներով և նոնակներով, մեկ նոնակով հարձակվեցին Անուր փողոցի № 4 մի իտալացի ֆաշիստի բնակարանի վրա, ուր հաճախում էին միայն դերմանացիները: պայթյունը տեղի ունեցավ բնակարանի ներսում և պատճառեց շատ զոհեր, որոնց մեջ նաև տան տերը:

Քաղաքում չափազանց ռազմականացած լինելով, տեղի ունեցավ բուռն հրաձգություն և հետապնդում: Մեր ընկերները վերադարձան առանց կորուստի:

- 20 հունիսի, ժամը 10-ին. — Երկու մարդ (արձանագրվածներ՝ 10221 և 10214), ղինված ատրճառակներով, մտան մի դավաճանի տուն նրան սպանելու: Սպանությունը տեղի չուներ, որովհետև մի թերություն պատճառով ատրճառակը չկրակվեց: Մեր ընկերները հաջող կերպով ետ քաշվեցին:

- 23 հունիսի, ժամը 11-ին. — Երեք հոգուց բաղկացած մի խումբ (արձանագրվածներ՝ 10279, 10233 և 10253) մեկ նոնակով հարձակվեցին գերմանական մի մեծ ջոկատի վրա. Ռուեյ Մալմեդոնում: Այս գործողությունը ավելի հանդուգն և էֆեկտավոր էր այն չափով, որ ջոկատը հարձակման էր ենթարկվել օրը ցերեկով, քաղաքի կենտրոնում և բուն իսկ գործառնում, ժամապահի կողմից հսկվող գլխավոր մուտքի մոտ:

Խոսքը մի մեծ գորանոցի, զինվորական մի իսկական միջնաբերդի մասին է, բազմաթիվ շենքերով, որտեղ գերմանացիները երկյուղ կրելով պարտիզաններին հանդիպելուց, իրենց վարժությունները կատարում էին ներսում:

Աշխատանքների վերջում, ժամը 11-ին, երգելով, ներքին բակերի միջից գալիս էին դեպի ճաշարան: Այդ ժամանակ մի ջոկատ կանդ է առնում ցանկապատին մոտիկ, հարյուր յարդ հեռավորության վրա. մեր ընկերները այդ մոմենտին մի նոնակ նետեցին կանդնած ջոկի միջտեղը և հեծանիվներով հեռացան: Բնակչության մեջ տարածված լուրերի համաձայն՝ այդ վրեժխնդրության ժամանակ նետված նոնակը թշնամուն պատճառել է 30 զոհ:

Գերմանացիների ղինված մոտոցիկլետիստները նետվեցին հետապնդելու մեր ընկերներին, բայց ոչ մի արդյունքի չհասան: Մեր ընկերները անփսսս վերադարձան:

- 23 հունիսի, ժամը 23-ին. — Երկու խումբ, բաղկացած ընդամենը հինգ մարդուց (արձանագրվածներ՝ 10263, 10221, 10215, 10241 և 10214), ղինված ձեռքի ղնդացիքով, ատրճառակներով և նոնակներով, կազմակերպեցին մի իսկական ռազմական հանդուգն գործողություն՝ գերմանական ժանդարմների գիշերային պահակախմբի դեմ. ժանդարմները ղինված էին ձեռքի գնդացիքներով, ատրճառակներով և ունեին հեծանիվներ: Գործողությունը տեղի ունեցավ Սաննուայում՝ ազգային ճա-

նապարհի վրա, Ջորս ընկերներ՝ մի ղնդացրորդ, երկու նոնաձիգ, մի հրաձիգ՝ դիրք են մտնում, իսկ հինգերորդը, որը հեծանիվով էր, աշխատում էր որպես հետախույզ ղիշերապահների գալը իմաց տալու համար։ Ժամը 22-ն անց ժանդարմների գալու ազդանշանը տրվեց. այն միջոցին, երբ գերմանական ղիշերային պահակը, բաղկացած մեկ ենթասպայից և երկու ժանդարմից, մեր լավ քողարկված ընկերների բարձունքին հասաւ, ձեռքի ղնդացրի մի համազարկից նրանք պառկեցին գետնին—նրանցից երկուսը խփվեցին, երրորդը վախից փորձեց սողոսկել փոսի երկարությամբ, բայց սպանվեց դիրքի վերջին պոստը զրավող մեր ընկերոջ ատրճանակի ղնդակներից։ Նույն ժամանակ թեթև վիրավորված ենթասպան ուշքի գալով՝ վերցրեց իր ձեռքի ղնդացիը և ուղղեց դեպի մեր ընկերները, բայց մեր ձեռքի ղնդացրի մի երկրորդ համազարկից սպանվեց։

Երկրորդ համազարկից անմիջապես հետո, երկու նոնաձիգները նետելով իրենց երկու նոնակները, պատրաստվում էին դուրս գալու իրենց դիրքերից, որպեսզի բռնորդ գնեքերը վերցնեն։ Բայց որովհետև նոնակներից մեկը չէր պայթել, ուստի խմբի պետը ղղուշանալով և վախենալով, որ կարող է դժբախտ դեպք տեղի ունենալ, հրամայեց հտ քաշվել։

Մեր բոլոր ընկերներն իրենց սպառազինությամբ և ռազմական պարագաներով անփնաս վերադարձան իրենց տեղերը։

Այս գործողությունը շատ լավ ընդունելություն գտավ, նկատի ունենալով այն սարսափը, որ այս երեք ժանդարմները տարածում էին շրջանում, որտեղ նրանք համարվում էին ոստիկանական աղետներ։

Հարկավոր է նշել այս գործողության ղինվորական բարձր բնույթը թե նախապատրաստման, թե գործողության կատարման և թե նահանջի ընթացքում։

Պարտիզանների կողմից ոչ մի թերացում չեղավ. մենք հատկապես նշում ենք այս գործողության ղեկավարի հատկությունները, որն ապահովում էր ղնդացրորդի պոստը և ինչպես Բրյումել փողոցի գործողության ժամանակ, իր քաջությամբ և սառնասրտությամբ ապահովեց հաջողությունը։

- 24 հուլիսի, ժամը 11-ին.—Երրորդ ջոկատից երեք մարդ (արձանագրվածներ՝ 10251, 10228, 10247) մի նոնակ նետեցին գերմանացի սպանների մի խմբի մեջ, որոնք նոր էին կանգ առել Մորիս Բարես № 96 (Նեոիում) գերմանացիների կողմից ղրավված մի տան պարտեզում։ Նոնակը պայթեց սպանների խմբի մեջ, բոլորը ծանր կերպով վիրավորվեցին։ Հայտնի չէ՝ սպանվածներ կան, թե ոչ։

Սմբի երեք ընկերները հեռացան առանց կորուստի և միջադեպի։

Հուլիս 1943

- 2 հուլիսի, օւրբաթ առավոտ ժամը 9 ամց 25.—Կթիշիում, Բարդեն փողոցում, երեք պարտիզաններ, ղինված ատրճանակներով և նոնակներով, նրոնակի հարվածներով հարձակվեցին ՍՍ 34 ղինվորներով և սպաներով բեռնված մի ավտոբուսի վրա։ Նոնակը նետվեց 10307 աքձանագըրվածի կողմից, պաշտպանությունը ապահովվեց 10010 և 10307 կողմի

կլիշիի հայրենասեր ազգաբնակչությունը ծափահարում էր վերադարձող մեր ընկերներին: Գտնվեց մի սրիկա, որը փորձեց բռնել նոնակ նետողին, բայց սպանվեց երկրորդ պաշտպանության կողմից: Բոչերը, որոնք այդ ժամանակ գտնվում էին ճանապարհի վրա, այդ միջառնությունից քաջալերված՝ մի քանի անգամ կրակեցին և վիրավորեցին երկրորդ պաշտպանին, որը ապաստանեց մի տան մեջ: Բռնապանը և տնվորները չուզեցին դավաճանել հերոս պարտիզանին: Այդ ժամանակ գերմանացիները լրացուցիչ ուժեր բերին, մի քանի ջոկատներով շրջապատեցին տունը, զնդացիներով, հրացաններով և գազով կովի գիրք ընդունեցին: Նրանք տնվորներին սպառնացին տունը պայթեցնել: Գործողության ղեկավար պարտիզանը, արձանագրված 10010, որն իր ընկերներին պաշտպանելիս վիրավորվել էր, այդ ժամանակ դուրս եկավ իր թաքստոցից և իր նոնակը բոչերի ջոկատի մեջտեղ նետելով՝ սպանեց ու վիրավորեց մի քանիսին և կրակելով իր վերջին փամփուռները թշնամու վրա, ընկավ բարբարոս ներխուժողների առաջ: Որպես քաջարի հերոս, սքանչելի օրինակ ծառայելով իր զինակից եղբայրների համար:

- 5 հուլիսի, երկուշաբթի առավոտյան.— Պարտիզան արձանագրվածներ 10279 և 10233, գինված ատրճառակներով, Դիննի (Նոր նահանգի) քաղաքի փողոցներից մեկում սպանեցին մի դավաճանի: Երկու ընկերները իսկույն Փարիզ վերադարձան և մասնակցեցին այլ գործողությունների:
- 7 հուլիսի, չորեքշաբթի ժամը 18 անց 30.— Մոնրուժի էթաղյունի հրապարակում մի սրճարան-ճաշարան, ուր միմիայն գերմանացի ժանդարմներ էին հաճախում, նոնակների հարվածներով հարձակման ենթարկվեց երեք պարտիզանների կողմից: Գործողությունը կատարելուց հետո պարտիզանները հեծանիվներով կանոնավոր ձևով ետ քաշվեցին: Նոնակ նետողը մի նորեկ էր. դա նրա առաջին գործողությունն էր: Պաշտպանությունն ապահովում էին 10288 և 10241 արձանագրվածները:
- 8 հուլիսի, հինգշաբթի առավոտյան ժամը 8 անց 30.— Բերտես և Մալգերր բուլվարների անկյունում գտնվող զորանոցը երկու անգամ երկու նոնակներով հարձակման ենթարկվեց: Նոնակներն ընկան (60—70) զինվորների մեջտեղը, որոնք ռապորտ էին լսում: Եղան մի քանի սպանվածներ և վիրավորներ: Նոնակ նետողները՝ 10288, 10287 և պաշտպանողները՝ 10280, 10214 հեծանիվներով հեռացան առանց վտանգի:
- 9 հուլիսի, ուրբաթ առավոտ.— Նուադի լը Սեկում գերմանացիների կողմից բռնադրաված մի տուն հարձակման ենթարկվեց երեք պարտիզանների կողմից: Նոնակը նետվեց առաջին հարկի գահլիճը, որը լիքն էր զինվորներով և ենթասպաներով: Եղան մի քանի սպանվածներ և վիրավորներ, նոնակ նետողը՝ 10247 և պաշտպանները՝ 10279 և 10253, հեծանիվներով ետ քաշվեցին:
- 10 հուլիսի, շաբաթ առավոտ.— Շուադի լը Շուալում մի զորանոց, որի բաղկում մի ջոկատ պատրաստվում էր դուրս գալու համար, երեք պարտիզանների կողմից նոնակների հարվածներով հարձակման ենթարկվեց: Նոնակն ընկավ դերմանացիների մեջտեղը սպանելով և վիրավորելով մի քանիսին: Նոնակ նետողը՝ 10253 և երկու պաշտպանները՝ 10233, 10247, հեծանիվներով վերադարձան առանց վտանգի:

- 11 հուլիսի, լուսաբացից.— Երեք պարտիզաններ (արձանագրվածներ՝ 10003, 10213 և 10812) Փարիզ Եւրոպա գծի վրա գծից դուրս բերին գերմանական արձակուրդավոր զինվորներով բեռնավորված մի զնացք։ Պայթյունը ավելի իր արդյունքը նախքան շոգեքարշի մոտենալը, զնացքը իսկույն անշարժության մատնվեց։ Շոգեքարշը և առաջին վագոնները մնացան։ Հակառակ բոլորի անկանոն հրաձգության, պարտիզանները ետ քաշվեցին անկորուստ և կանոնավոր կերպով։
- 19 հուլիսի, առավոտյան.— Վանվ քաղաքի Սեպտեմբերի 4-ի փողոցում, նոնականերով և ատրճանակներով զինված չորս պարտիզաններ հարձակվեցին գերմանական մի ջոկատի վրա, երբ վերջինս մտնում էր ցուցահանդեսի պարկը։ Նոնակը պայթեց ջոկատի մեջտեղը, եղան մի քանի սպանվածներ և վիրավորներ։ Նոնակ նետող 10156 արձանագրվածը հեծանիվի վրա էր, մյուս արձանագրվածները՝ 10182, 10152, 10198—նրան պաշտպանում էին։ Գործողությունը բնակչության մեջ առաջ բերեց խոր գոհունակություն։
- 21 հուլիսի, առավոտ.— Ատրճանակներով զինված երեք պարտիզանների կողմից սպանվեց հայրենասերների մատնիչ մի դավաճան։ Գործողությունը տեղի ունեցավ Մարի-Լուիզ փողոցում։ Գործողությունը կատարեցին՝ 10291, 10318 և 10305 արձանագրվածները։ Մեր ընկերները ետ քաշվեցին առանց արգելքի, չնայած փողոցի աշխույժ երթևեկությանը։
- 28 հուլիսի, գիշերը.— Երեք ընկերներ, արձանագրվածներ՝ 10003, 10306 և 10199, Փարիզ—Շատոտիների երկաթգծի վրա գծից հանեցին մեկ զնացք։ Գծի բոլորը հանելուց հետո նրանք 6 տրավերսների մեջտեղը զրեցին պայթուցիկ նյութեր։ Շոգեքարշը անցնելու մոմենտին տեղի ունեցավ պայթյուն, և զնացքի մի մասը, որ բեռնավորված էր ապրանքներով, բոլորովին դուրս եկավ գծից, մնացած մասը անշարժացավ իր տեղում։ Ընկերները հաջողությամբ վերադարձան։
- 28 հուլիսի, առավոտյան ժամը 9 անց 30.— Պոլ-Դումեր և Նոկոլո Պարի 16-րդ փողոցի անկյունում մեր ընտիր մի խումբ, բաղկացած չորս ընկերներից, զինված նոնականերով և ատրճանակներով, նոնակի հարվածով հարձակվեցին մեծ Փարիզի գեներալ-հրամանատարի բաց ավտոմեքենայի վրա։ Ավտոմեքենայի մեջ էին գեներալը, իր համհարզը և շոֆերը։ Նոնակը այնքան հաջող նետվեց, որ ընկավ երեք բոլորի մեջտեղը։ Պայթյունը տեղի ունեցավ ավտոմեքենայի ներսը և ավտոմեքենան ցած գլորվեց իր մեջ ջախջախված օկուպանտներով։ Այս գործողության մասնակից արձանագրվածները՝ 10318, 10291, 10305 և 10161—բոլորն էլ հաջող վերադարձան։
- Նոնակաձիգ արձանագրված՝ 10318, որ աչքի ընկավ իր քաջությունով և սառնարյունությամբ, ինչպես նաև գործողության մասնակցած ամբողջ խումբը առաջադրվեց պատվի։
- 31 հուլիսի, երեկոյան.— Երեք պարտիզաններից բաղկացած մի խումբ, արձանագրվածներ՝ 10248, 10279, 10266—նոնակով հարձակվեցին գերմանացիների վեց սպանների մի խմբի վրա։ Բոլոր սպանները վիրավորվեցին։ Պարտիզանները, որոնք հեծանիվներով էին, հեռացան անվտանգ։

Ոգոստոս. 1943

Փարիզ-Ռեմս գծի վրա, Ֆերտե-Միլոն կայսրանի մոտ, դիշերը, վեց պարտիզաններ, զինված ատրճառակներով և անհրաժեշտ գործիքներով, գծից դուրս բերին գերմանացի արձակուրդավոր զինվորների մի գնացք: Այս գործողությունը մասնակցեցին 10003, 10211, 10282, 10199, 10306, 10350 արձանագրվածները: Ընկերները, հեղեղանման անձրևի տակ մինչև ոսկորները թրջված, հանեցին 15 տրավերսների բոլորները, փայտաշերտերի պտուտակները և երկաթգիծը լայնացրին: Գնացքը ամբողջապես գծից դուրս եկավ: Վագոնները ջարդվեցին և ճգճվեցին մեկը մյուսի վրա: Գերմանացի հարյուրավոր սպանվածներ և վիրավորներ մնացին տեղում: Տեղում ձեռք բերված տեղեկությունների և կատարված ստուգումների համաձայն՝ ղոհների և բեկորների հայտարարման աշխատանքները շարունակվում էին դեռ հետևյալ օրը: Երկաթգիծը մի ամբողջ օր չօգտագործվեց: Պարտիզանների նահանջը կատարվեց լավագույն կարգով:

- 11 օգոստոսի, երեկոյան ժամը 22.—Նոր ընդունված երկու պարտիզաններ, զինված ատրճառակներով, գնդակի հարվածներով սպանեցին Մարսել բուքսրի հանրածանոթ գործակից դավաճան Ժոզե-գը Լապլասին: Գործողությունը տեղի ունեցավ Նե-բուլվարում՝ Պորտ Սենտ-Ուենի մոտ: Մասնակցեցին 10279 և 10247 արձանագրվածները: Պետք է նշել այս երկու պարտիզանների քաջությունը, սառնարյունությունը, ինչպես նաև այդ հայրենասերների ատելությունը դավաճանների նկատմամբ: 10279 արձանագրված ընկերը երեք գնդակ արձակեց այդ դավաճանի վրա և գետին տապալեց նրան. երբ ուղղում էր հեծանիվ նստել և հեռանալ, ընկերը լսեց, որ դավաճանը շարունակում է բղավել. նա վերադարձավ և արձակեց չորրորդ գնդակը, ասելով. «Դե, այսպես, այլևս չես մասնի»: Այս գործողությունից հետո երկու ընկերները հաջող ետ դարձան:

- 13 օգոստոսի, ժամը 14 անց 30.—Հինգ երիտասարդ պարտիզաններ, զինված ատրճառակներով և նռնակներով, Մոնրուժում, Կոլ-Ժիլոն և Դուտեն-բերգ փոքրիկ փողոցների անկյունում հարձակվեցին գերմանական մի ֆոկատի վրա: Չոկատը առջից և ետևից պաշտպանվում էր ձեռքի գնդացիներով զինված չորս զինվորներով, բայց այդ ոչնչով չխանգարեց մեր երիտասարդ ընկերներին նետել իրենց նռնակները ֆոկատի մեջտեղը և առանց կորուստի ետ քաշվել:

Գործողությանը մասնակցեցին 10293, 10288 և 10241 արձանագրվածները:

Այն միջոցին, երբ նռնակ նետողը պատրաստելով իր նռնակը, քայլերն ուղղեց դեպի գերմանական Չոկատը, մի տնտեսուհի նույն ուղղությամբ հետևեց նրան: Մեր ընկերը անչափ սառնարյունություն ցույց տալով՝ կանգնեցրեց տնտեսուհուն և առաջարկեց նրան տուն վերադառնալ: Բարի կինը մի հայացք գցեց նռնակ սեղմած ձեռքի և ապա բռնեց վրա, ամեն ինչ հասկացավ և քաջալերական ժպիտով անհետացավ մի տան դռան ետևը:

- 13 օգոստոսի, լուսաբացին.—Գիշերը չորս պարտիզաններ, զինված ատրճառ-

նականերով և անհրաժեշտ գործիքներով, երկու ժամ աշխատեցին երկաթգիծը քանդելու վրա, հանեցին համարյա բոլոր տրավերանները բոլորը, բայց վատ կողմնորոշման և անհարատև լինելու հետևանքով վերադարձան, չկարողանալով քանդել գիծը:

Առողջ քննադատությունից հետո ամբողջ խումբն ընդունեց իր սխալները և ղեկավարության առաջ խոստացավ իսկույն նորից դուրս գալ և լիովին հաջողեցնել գործը: Նրանք կատարեցին իրենց խոսքը: Այդ գործողությանը մասնակցեցին 10601, 10191, 10306, 10282 արձանագրվածները:

- 17 օգոստոսի, գիշերը.—Մոնտրոի-Լոնգվիլ գծի վրա վեց պարտիզաններ քսան բոպեում երկաթգծի մի տեղամասի բոլոր բոլորները հանեցին և ժամը 5-ին խորտակեցին արևելքից եկող գերմանական արձակուրդավոր զինվորների մի գնաօք:

Մեր ստուգման համաձայն՝ խորտակումը լրիվ հաջողվել է: Կան հարյուրավոր սպանվածներ և վիրավորներ: Շոգեքարշը և մի քանի վագոններ ոչնչացել են: Կեսօրվա մոտերը գիծը դեռ խճողված էր սարդկային դիակներով և դանադան նյութերով:

Հակառակ շրջակա բնակչության նկատմամբ բոլորի գործադրած վայրենի ռեպրեսիաների, ամբողջ բնակչությունը խանդավառությամբ է մեկնաբանում այս գործողությունը:

Այս գործողությանը մասնակցել են 10020, 10199, 10351, 10306, 10211 արձանագրվածները և մեկ նորակոչիկ:

Ընկավարությունը շնորհակալություն հայտնեց ամբողջ խմբին:

- 18 օգոստոսի, առավոտյան ժամը 10-ին.—Մոնսո պարկում մի հատուկ խումբ ատրճանակի գնդակներով սպանեց ժի բոշ մայորի: Այդ վայրը գերմանացիները շատ էին հաճախում: Թաղամասի բոշ ժանդարմները կրակելով նետվեցին հետապնդելու մեր ընկերներին: Հակառակ այս դժվարություններին, կրակող ընկերը մեր պաշտպանության և մի անցորդ հայրենասերի օգնությամբ կարողացավ փախչել ողջ և անփնաս: այդ անցորդը մեր ընկերոջը վերցրեց իր հեծանիվի վրա և հեռացրեց գործողության վայրից:

Այս գործողությանը մասնակցեցին 10318, 10305, 10161, 10608 արձանագրվածները:

- 20 օգոստոսի, գիշերը՝ լույս 21-ի առավոտ.—Ռեյմս-Մետել երկաթգծի վրա չորս պարտիզաններ, զինված ատրճանակներով և գործիքներով, խորտակեցին ռադամսերքով բեռնված ապրանքատար մի գնացք:

Շոգեքարշը և 19 վագոն ամբողջապես դուրս եկան գծից: Այս գործողությանը մասնակցեցին 10282, 10601, 10191, 10306 արձանագրվածները:

- 20 օգոստոսի, առավոտյան.—Երեք պարտիզաններ, զինված ատրճանակներով, սպանեցին շաաբային բարձրաստիճան մի գերմանացի սպայի: Գործողությունը տեղի ունեցավ Նեոյիում Լուի-Ֆիլիպ փողոցի և Ռուլ պողոտայի անկյունում: այդ աեղով անցնող գերմանացի զինվորները ոչ մի դիմադրություն ցույց չավին: Գործողությանը մասնակցեցին

10266, 10279, 10254 արձանագրութեաները, որոնք վերադարձան առանց կորուստի:

- 25 օգոստոսի, ժամը 13-ի՝ 2-րդ պարտիզաններ, ղինված ատրճանակներով և նռնակներով, հարձակվեցին գերմանական զինվորներ փոխադրող մեկ ապրանքատար ավտոմեքենայի վրա: Գործողութիւնը տեղի ունեցավ Բալոնյ-Բիանկուրում և հաջողվեց: Նետված նռնակը պայթեց ավտոմեքենայի ներսը: Մեր բոլոր ընկերները վերադարձան: Գործողութիւնը մասնակցեցին 10293, 10241, 10288 և 10604 արձանագրութեաները:

- 26 օգոստոսի, ժամը 16-ի մոտերը.— Երեք պարտիզաններ, ղինված ատրճանակներով, Մեն ժերմեն-ան-Լեյում սպանեցին մեկ սպայի: Թըշ-նամուն հասցված այս հարվածից բացի, պետք է մատնանշել և այն առկուռութիւնը-հարատեղութիւնը, նախաձեռնութիւնը և ընկերական ոգին, որ ցույց տվեց այս ղեպուս ամբողջ խումբը:

Ընկերները ժամը 13 անց 30-ին մեկնեցին, որպեսզի մի գործողութիւն կատարեն: Բայց անձրևի պատճառով նպատակադրումը չէր հաջողվում: Մեկ ժամ սպասելուց հետո, մինչև ոսկորները թրջված, մեր պարտիզանները որոշեցին առանց մի գործողութիւն կատարելու չվերադառնալ, ռազմական ժառանգութիւնը ետ չտանել: Շրջակայքին լավ ծանոթ չլինելով հանդերձ, մեր ընկերները նստեցին իրենց հեծանիվները և գնացին ղեպի մի ռազմականացած վայր, մի պատահական նպատակի հետևից: Երկու ժամ որոնումներից հետո նրանք տեսան մի սպայի, որը հեծանիվով գալիս էր իրենց հանդեպ: Առանց մի վայրկյան կորցնելու, մեր ազանները գրավեցին փողոցի առջին պատահական անկյունը, հարձակման և պաշտպանութիւն ղրք բռնեցին: Երբ սպան իրենց թաքստոցին հասավ, խփեցին: Թեև ընկերները լավ ծանոթ չէին այդ գյուղին, որտեղ գործում էին, բայց և այնպես նահանջը կատարեցին շատ կանոնավոր կարգով: Ետ քաշվելու ժամանակ, գործողութիւն վայրից մի փոքր հեռու, հեծանիվի կամբարներից մեկը պայթեց: Որպեսզի աղետի պատահած ընկերոջը մենակ չթողնեն զաշտում, ընկերները, հեծանիվները տեղավորելով մի անգ, վերադառնում են ոտքով:

Չափազանց հոգնած, ուժասպառ էին, բայց երջանիկ, որ կատարել են իրենց պարտիզանի և հայրենասերի պարտքը: Բոլոր ընկերները վերադարձան անփնաս:

Հետևյալ օրը հեծանիվները բերվեցին և հանձնվեցին նրանց: Այս գործողութիւն մասնակցեցին 10241, 10288, 10604 արձանագրութեաները:

- 28 օգոստոսի, գիշերը.— Փաբիգ—Տրուա գծի վրա չորս պարտիզաններ, բոլորը ղինված, խորտակեցին մի ապրանքատար գնացք: Շոգեքարչը և հինգ վագոն ամբողջապես ոչնչացան: Գործողութիւն և ֆնասների ստուգումը կատարվեց մեր իսկ ժիշկներով: Այս գործողութիւնը ժամանակել են չորս ընկեր՝ 10306, 10191, 10262 և 10601 արձանագրութեաները:

№ 2

21 փետրվարի 1944 թ., Ֆրեն

ԻՄ ՍԻՐԵԼԻ ՄԵԼԻՆԵ, ԻՄ ՇԱՏ ՍԻՐԵԼԻ ՈՐԲՈՒԿՍ

Մի քանի ժամից հետո այլևս չեմ լինելու այս աշխարհում։ Շուտով, այս կեսօրից հետո, ժամը 15-ին կգնդակահարվեմ։ Իմ կյանքում սա ինչ պատահում է որպես մի դժբախտ դեպք։ Ղրան չեմ հավատում, սակայն և այնպես ես դիտեմ, որ այլևս երբեք քեզ չեմ տեսնելու։

Ինչ կարող եմ քեզ ղրել, իմ մեջ ամեն ինչ անորոշ է և միաժամանակ շատ պայծառ։ Ես մտել էի ազատության բանակը որպես կամավոր զինվոր և ես մեռնում եմ երկու մատ հեռու հաղթանակից և նպատակից։ Երջանկություն նրանց, ովքեր պիտի ապրեն մեզանից հետո և պիտի վայելեն վաղվա խաղաղության և ազատության քաղցրությունը։

Վստահ եմ, որ ֆրանսիական ժողովուրդը և ազատության համար բոլոր պայքարողները պիտի դիմանան արժանավայել կերպով պատվել ժեր հիշատակը։ Մեռնելու պահին հայտարարում եմ, որ ես ոչ մի ատելություն չունեմ դերմանական ժողովրդի դեմ և ոչ ոքի դեմ, յուրաքանչյուրը կստանա իր արժանի պատիժը կամ վարձատրությունը։ Պատերազմից հետո, որ այլևս երկար չպիտի ակի, դերմանական ժողովուրդը և մյուս բոլոր ժողովուրդները պիտի ապրեն խաղաղ կերպով և եզրայրաբար, երջանկություն բոլորին։

Քորպես ցավում եմ, որ չկարողացա քեզ երջանկացնել։ Ես շատ էի ցանկանում քեզանից մի զավակ ունենալ, ինչ որ դու մշապես ցանկանում էիր։ Քնդում եմ քեզ պատերազմից հետո անպատճառ ամուսնանալ և մի երեխա ունենալ իմ պատվի համար և իմ վերջին կամքը կատարելու համար։ Ամուսնացիր մեկի հետ, որ կարողանա քեզ երջանկացնել։

Բոլոր ունեցածներս կտակում եմ քեզ, թո քրոջը և նրա որդիներին։ Պատերազմից հետո դու կկարողանաս, որպես իմ կինը, սաանալ պատերազմական թոշակ, որովհետև ես մեռնում եմ որպես Ֆրանսիայի ազաազրության բանակի կանոնավոր զինվոր։ Պատերազմից հետո, բարեկամներին ողնությանը, որոնք հոժարությանը պիտի ուզենան պատվել ինձ, հրաաարակել աուր իմ պոեմները և այն ղրվածքները, որոնք արժանի են կարդացվելու։ Եթե հնարավոր է՝ իմ հիշատակներս տար Հայաստան իմ ազգականներին։

Քիչ հետո ես իմ 23 ընկերների հետ կմեռնեմ քաջությանը և հոգու անդորրությանը մի մարդու, որի խիղճը շատ հանգիստ է, որովհետև ես անձամբ ոչ ոքի ֆեսա չեմ հասցրել և եթե արել եմ, ես այդ արել եմ առանց ատելության։ Այսօր արևոտ օր է, արևին և իմ այնքան սիրած գեղեցիկ բնության նայելով է, որ մնաք բարով կասեմ կյանքին և ձեզ բոլորիդ, իմ շատ սիրելի կին և իմ շատ սիրելի բարեկամներ։ Ես ներում եմ բոլոր նրանց, որոնք ինձ ֆեսա են հասցրել կամ ցանկացել են ինձ ֆեսա հասցնել, բացառությամբ նրան, որ մեզ դավաճանեց իր կաշին փրկելու համար, և նրանց, որոնք մեզ ծախեցին։ Շատ ուժով համբուրում եմ քեզ, ինչպես նաև քրոջդ և բոլոր բարեկամներին, որոնք ճանաչում են ինձ հես-

վից կամ մոտից, կրծքիս վրա սեղմում եմ ընկնողիդ. մնաք բարով: Քո բարեկամ, քո ընկեր, քո ամուսին

ՄԱՆՈՒՇՅԱՆ ՄԻՇԵԼ չամիկդ:

Հ. Գ.—Ես Պլեզանս փողոցի մեր տան ճամբրուկում ունեմ 15 հազար ֆրանկ, եթե կարող ես վերցնել, վճարիր իմ պարտքերը և մնացածը նվիրիր Հայաստանին:

№ 3

Ազգային ճակատ

Յրանսիական ներքին ուժեր

ՖՐԱՆՍԻԱԿԱՆ ԱԶԱՏ ՀՐԱՋԻԳՆԵՐ, ՊԱՐՏԻՋԱՆՆԵՐ
ՌԱԶՄԱԿԱՆ ԱԶԳԱՅԻՆ ԿՈՄԻՏԵ

Փարիզ, սեպտեմբերի 5, 1944 թ.

Վկայագիր¹

Ես ներքո ստորագրյալս, գնդապետ Իողուն, Յրանսիական ազգային ազատ հրաձիգների ու պարտիզանների ռազմական հրամանատար, վկայում եմ, որ՝

Ֆ. Ա. Հ. Պ.² Հրամանատար Մանուշյան Միսաքը

1942 թ. նոյեմբերին կամավոր զինվորագրվել է Ֆ. Ա. Հ. Պ. շարքերում, ուր շուտով նա դառնում է խմբի և ապա ջոկատի հրամանատար. և որպես մարտնչող վտարանդի բարձրացվում է Փարիզի շրջանում կռվող Ֆ. Ա. Հ. Պ. վտարանդիների բոլոր խմբերի հրամանատարի աստիճանին:

Նա կադավերացում և մասնակցում է բազմաթիվ գործողությունների գերմանացի ներխուժողների դեմ և նրանց վարձկան դավաճանների դեմ:

Նա, գեստապոյի կողմից ձերբակալվելով՝ գնդակահարվել է 1944 թվի փետրվարի 21-ին:

Լինելով մեծ քաջության տեր մարդ, նա մեր երկրին մատուցել է անգնահատելի ծառայություններ և արժանացել է մեր հայրենիքի պատվին: Այս պատճառով 1944 թվի սկզբին նա Ալժիրի կառավարության կողմից նշանակվեց պատվավոր կապիտան:

Ի սեղիշ. Ա. Հ. Պ.-ների Ռազմական Ազգային Կոմիտեի
Ազգային Ռազմական երամագետար՝ գնդապետ ԲՈՒՈՒՆՆ

Կ ն ի ք

Ֆ. Ա. Հ. Պ. Ռազմական ազգային

Կ ո մ ի տ ե

¹ Վկայագրի օրիգինալը գտնվում է ՀՍԾՌ ԳԱ Պատմության Ինստիտուտի Հայրենական պատերազմի պատմության կաբինետի արխիվում:

² Յրանսիական ազատ հրաձիգներ ու պարտիզաններ:

**ՃՐԱՆՍԻԱԿԱՆ ԱԶԱՏ ՀՐԱՁԻԳՆԵՐԻ ԵՎ ՊԱՐՏԻՉԱՆՆԵՐԻ ԲԱՐԵԿԱՄՆԵՐԻ
ԱԶԳԱՅԻՆ ՄԻՈՒԹՅՈՒՆ (ԱՍՈՑԻԱՑԻԱ)**

Սենայի կենտրոն
Սեն-Լազար փողոց 23—Փարիզ 9-րդ
Փարիզ, 9 մարտի 1945.

Տիկին Մանուշյան
Օմեր փողոց 19.
Փարիզ 3-րդ

Սիրելի ընկերուհի՝

Խնդրում ենք ներփակ զրությամբ ստանալ մի վկայագիր, որը վկայում է այն մասին, որ Ձեր ամուսին՝ հրաժանատար Մանուշյանը գտնվում է Ֆրանսիացի ազատ հրաձիգների և պարտիզանների շարքերում, և մի վկայագիր՝ ձեզ իսկ վերաբերող, որտեղ վկայվում է, որ դուք անդամ եք եղել Ֆրանսիական ներքին ուժերին:

Մենք պատրաստ ենք, սիրելի ընկերուհի, ձեզ տալու մեր հրաժանատարության սահմանում բոլոր այն տեղեկությունները կամ բոլոր այն փաստաթղթերը, որոնք ձեզ օգտակար կլինեն:

Մինչ այդ խնդրում ենք ընդունել, սիրելի ընկերուհի, մեր հայրենասիրական զգացմունքների հավաստիքը:

Ի անդի նահանգային պատասխանատուի

Քարտուղարուհի (Ստորագրություն)

Կ ն ի ք

¹ Օրիգինալը գտնվում է ՀՍՍՌ ՖԱ Պատմության Խոստումների Հայեցանկյուն պահ-
րագի պատմության կադրերի արխիվում: